

全

唐

诗

全

唐

詩

全唐詩目 第九函

第五冊

溫庭筠 九卷

段成式 一卷



全唐詩

溫庭筠

溫庭筠本名岐字飛卿太原人宰相彥博裔孫少敏悟才思豔麗韻格清拔工爲詞章小賦與李商隱皆有名稱溫李然行無檢幅數舉進士不第思神速每入試押官韻作賦凡八义手而成時號溫八义徐商鎮襄陽署爲巡官不得志去歸江東後商知政事頗右之欲白用會商罷相楊收疾之貶方城尉再遷隋縣尉卒集二十八卷今編詩爲九卷

雞鳴埭曲

南朝天子射雉時銀河耿耿星參差銅壺漏斷夢初覺

寶馬塵高人未知魚躍蓮東蕩宮沼濛濛御柳懸棲鳥  
紅妝萬戶鏡中春碧樹一聲天下曉盤踞勢窮三百年  
朱方殺氣成愁煙彗星拂地浪連海戰鼓渡江塵漲天  
繡龍畫雉填宮井野火風驅燒九鼎殿巢江燕砌生蒿  
十二金人霜炯炯芊綿平綠臺城墓暖色春容一作空荒古  
陂寧知玉樹後庭曲留待野棠如雪枝

織錦詞

丁東

冬一作冬

細漏侵瓊

一作瑤

瑟影轉高梧

月初出簇籜金梭萬

縷紅鴛鴦豔錦初成匹

一作足

錦中百結皆同心藥亂雲盤

相間深此意欲傳傳不得玫瑰作柱朱弦琴爲君裁破

合歡被星斗迢迢

一作寥寥

共千里象尺

一作齒

熏爐未覺秋碧池

已一作中有新蓮子

夜宴謠

長釵墜髮雙蜻蜓碧盡山斜開畫屏虬鬚一作頰公子五侯

客一飲千鍾如建瓴鸞咽妖恥下竹亞二切一作妖一作姥唱圓無節省歛

湘煙袖迴雪清夜恩情四座同莫令溝水東西別亭亭

蠟淚香珠殘一作賤暗露曉一作小風羅幕寒飄飄一作飄戟帶儼相

次二十四枝龍畫竿裂管縈弦共繁曲芳樽細浪傾春

醪高樓客散杏花多脉脉新蟾如瞪目

蓮浦謠

鳴橈軋軋溪溶溶廢綠平煙吳苑東水清蓮嬌兩相向

鏡裏見愁愁更紅白馬金鞭一作鞍大堤上西江日夕多風

浪荷心有露似驪珠不是真圓亦搖蕩

郭處士擊甌歌

信粟金虬石潭古勺陂激

澹作

灑幽脩語湘君寶馬上神

雲碎佩叢鈴滿煙雨吾聞三十六宮花離離軟風吹春

星斗稀玉晨冷磬破昏夢天

一作木

露未乾香著衣蘭釵委

墜垂雲鬢小響丁當逐迴雪晴碧煙滋重疊山羅屏半

掩桃花月太平天子駐雲車龍鑪勃鬱雙蟠拏宮中近

臣抱扇立侍女低鬟落翠花亂珠觸續正跳蕩傾頭不

覺金烏斜我亦爲君長歎息緘情遠寄愁無色莫露香

夢綠楊絲千里春風正無力

遐水謠



天兵九月渡遐水馬踏沙鳴驚雁雁一作雁聲起殺氣空高萬里

情塞寒如箭傷雙一作雙眸子狼煙堡上霜漫漫枯葉號號一作號風

天地乾犀帶鼠裘無暖色清光炯冷黃金鞍虜塵如霧

昏一作昏亭障隴首年年漢飛將麟閣無名期未歸樓中思

婦徒相望

### 曉仙謠

玉妃喚月歸海宮月色澹白涵春空銀河欲轉星靨靨

碧一作雪浪疊山埋早紅宮花有露如新淚小苑叢叢一作昔昔入

寒翠綺閣空傳唱漏聲網軒未辨凌雲字遙遙珠帳連

湘煙鶴扇一作扇如霜金骨仙碧簫曲盡彩霞動下視九州

皆悄然秦王女騎紅尾鳳半一作半空回首晨雞弄霧一作露蓋

狂塵億兆一作萬家世人猶作牽情夢

錦城曲

蜀山攢黛留晴雪簾笋蕨芽縈九折江風吹巧剪霞綃  
花上千枝杜鵑血杜鵑飛入巖下叢夜叫思歸山月中  
巴水漾情情不盡文君織得春機紅怨魄未歸芳草死  
江頭學種相思子樹成寄與望鄉人白帝荒城一作城荒五千  
里

生襟屏風歌

玉墀暗接昆侖井井上無人金索冷畫壁陰森九子堂  
階前細一作碎月鋪花影繡屏銀鴨香菡濛天上夢歸花繞  
叢宜男漫作後庭草不似櫻桃千子紅

嘲春風

春風何處好別殿饒芳草  
萼嫋轉鸞旗菱鞋吹雉葆揚  
芳歷九門澹蕩入蘭蓀  
爭奈白團扇時時偷主恩

舞衣曲

藕腸纖縷抽輕春煙機漠漠嬌娥一作娥嘔金梭浙瀝透空

薄剪落交刀一作鮫鮓吹斷雲張家公子夜聞雨夜向蘭堂思

楚舞蟬衫麟帶壓愁香偷得鶯簧一作鶯鎖一作鎖金縷管含蘭

氣嬌語悲胡槽雪腕鴛鴦絲芙蓉力弱應難定楊柳風

多不自持迴嘖笑語西牕客星斗寥寥波脉脉不逐秦

王卷象牀滿樓明月梨花白

張靜婉採蓮歌

并序

靜婉羊侶妓也其容絕世侶自爲採蓮二曲今樂

府所存失其故意因歌以俟採詩者事具載梁史

蘭膏墜髮紅玉春燕釵拖頸拋盤雲城邊一作西楊柳向嬌

一作橋晚門前溝水波粼粼麒麟公子朝天客珂一作珮馬瑞璫

一作堂堂度春陌掌中無力舞衣輕剪斷鮫綃一作鮫破春碧抱

月飄煙一尺腰麝臍龍髓一作腦憐嬌一作饒秋羅拂水一作衣碎

光動露蓮花多香不銷灘鶻交交一作膠塘水滿綠芒一作萍如

一作金粟蓮莖短一夜西風送雨來粉痕零落愁紅淺船頭

折藕絲暗牽藕根蓮子相留連郎心似月月未一作易缺十

五十六清光圓

湘宮人歌

池塘芳草濕夜半東風起生綠畫羅屏金壺貯春水黃  
粉楚宮人芳花一作方飛玉刻鱗娟娟照碁一作臺燭不語兩含嚙

黃曇子歌

參差綠蒲短搖豔雲一作春塘滿紅激蕩融融鶯翁鴻鵠暖

萋芊小成一作城路馬上修蛾嬾羅衫裏回一作向風點粉金鸝

卯

鬢篋歌

李相妓  
人吹

蠟煙如霧新蟾滿門外平沙一作少平草芽短黑頭丞相九天

歸夜聽飛瓊吹朔管情遠氣調蘭蕙薰天香瑞彩含綉

縕皓然纖指都揭血日暖碧霄無片雲含商咀徵雙幽

咽軟穀疎羅共蕭屑不盡長圓疊翠一作彩愁柳風吹破澄

潭月鳴梭浙瀝金絲藥恨語殷勤隴頭水漢將營前萬  
里沙更深一一霜鴻起十二樓前花正繁交枝簇蒂連  
壁門景陽宮女正愁絕莫使此聲催斷魂

照影曲

景陽妝罷瓊牕暖欲照澄明香步嬾橋上衣多抱彩雲

金鱗

一作鮮

不動春塘滿黃印額山輕爲麈翠鱗一作鮮紅穉俱

含嚙桃花百媚如欲語曾爲一作謂無雙今兩身

拂舞詞

一作公無渡河

黃河怒浪連天來大響咄咄一作胎胎如殷雷龍伯驅風不敢

上百川噴雪高崔嵬二十三

一作五

弦何太哀請公勿一作莫渡

立徘徊下有狂蛟鋸爲尾裂帆截櫂磨霜齒神椎鑿石

塞神潭白馬趁趕赤塵起公平躍馬揚玉鞭滅沒高蹄  
日千里

太液池歌

腥鮮龍氣連清防花風漾漾吹細光疊瀾不定照天井  
倒影蕩搖一作漾晴翠長平碧淺春生綠塘雲容雨態連青  
一作蒼蒼夜深銀漢通柏梁二十八宿朝玉堂

雉場歌

芟葉萋萋接煙曙一作樹雞鳴埭上梨花露彩仗鏘鏘已合  
圍繡翎白頸遙相如雕尾扇張金縷高碎鈴素拂驪駒  
豪綠場紅跡朱一作來相接箭發銅一作狼牙傷彩毛麥隴桑陰  
小山晚六虬一作虬歸去凝笳遠城頭却望幾含情青一作春畝

春

一作青

蕪連石

一作古苑

雍臺歌

太子池南樓百尺入

一作八

窓新樹疎簾隔黃金鋪首畫鉤

陳羽葆停幢

一作亭童

拂交戟盤紆闌楯臨高臺帳殿

一作帳殿

臨流

鸞扇開早鴈驚

一作聲

鳴細波起映花鹵簿龍飛迴

吳苑行

錦雉雙飛梅結子平春遠綠牕中起吳江澹畫水連空

三尺屏風隔千里小苑有門紅

一作門

扇開天絲舞蝶共

一作俱

徘徊綺戶雕楹長若此韶光歲歲如歸來

常林歡歌

宜城酒熟花覆橋沙晴綠鴨鳴咬咬

一作交交

穠桑繞舍麥如



尾幽軋鳴機雙燕巢馬聲特特荆門道蠻水揚光色如  
草錦薦金爐夢正長東家咿一作啞雞鳴早

塞寒行

燕弓弦勁霜封瓦樸簌寒鵬睇平野一點黃塵起鴈喧

白龍堆下千蹄馬河源怒濁一作觸風如刀剪斷朔雲天

更高晚出榆關一作逐征北驚沙飛迸衝貂一作袍心許凌

煙名不減年年錦字傷離別彩毫一畫竟何榮空一作長使

青樓淚一作成血

湖陰詞并序

王敦舉兵至湖陰明帝微行視其營伍由是樂府  
有湖陰曲而亡其辭因作而附之